



Informativno buletino

So e bijanutne thaj e samadavne trubul te žanen ašal davne vaš detharinale berša, škole thaj koležura ando o anglalivendalo sezono

Nevisardo ando 1-to semptembro 2020-to berš

Kadava informativno buletino si kerdo bijanutnenge thaj samadavnenge vaš čhave ande:

- registririme xurdelina thaj čhavdikhdavina¹
- Bazisne thaj maškarune škole²
- maj lungjarno školipe koležura³

Ame nevisardam kadava informativno buletino te thas andre:

- Nevi informacija vaš školake andredimata
- Nevisardi informacija vaš dromžape ži ka thaj katar e xurdelin, čhavdikhdavin, škola thaj koležo
- Nevisardi informacija ašal e planura vaš skolipe, sastipe thaj sama (ŠSS), salačhipe thaj onlain siguripe
- Nevisardi informacija vaš evaluacije thaj testura
- Nevisardi informacija vaš mujeske maske

Iripe ande xurdeline, čhavdikhdavina, škola thaj koležo

Sa e čhave thaj terne manuša, ande sa e klasonenge grupe, ka irin pe ande škola thaj koležo saste giveseske katar o astaripe e angalivendeske sezonesko.

Čhave kon phiren ande xurdelina thaj čhavdikhdavina šaj irinas pe palpale ande škole katar o 1-to juno. Katar o 20-to juli, xurdelina sas šajde te irin pe ande peske normalne grupe.

O phiravipe vaš o koronavirus (COVID-19) ačhilo maj cikno desari e škole thaj e koležura astarde te na mukhen gadiki but čhave andre katar o čhon o marto. E NHS Test and Trace

¹ Xurdelin thaj čhavdikhdavin aj xurdelina thaj čhavdikhdavina si e xurdelina, registririme čhavdikhdavina, anglalškolina, khelimaske grupe thaj themestar pokinde xurdelina.

² Bazisnone thaj maškarune škole thonandre korkorutne škole, themestar pokinde škole, akademije, liberime škole, bebetonenge škole, cikne čhavege škole thaj maškarune škole.

³ Koležura inkjavon ka šov forme koležonenge, generalne maj lungjarne školimaske koležura, korkorutne treningoske davne, semnothode institucije, bare ženenge komunalne sikavimaske davne thaj specialne post-16 institucije.

system kerel buki thaj ame akhjaras maj but vaš e mere save trubul te kerdon pe te šaj kerdol pe maj garavde (protektivne) turalina.

O sikavinako dovodo sikavel kaj o koronavirus (COVID-19) sikavel ekh maj cikno risiko karing e čhave kozom karing e bare žene te von zoraleste nasvavon. Naj dovodo kaj e čhave phiraven o nasvalipe maj but katar e bare žene. Ama, ka avel riskura žikana o koronavirus (COVID-19) si maškaral e komuna.

Te kontrolirin pe e riskura, e bukja ka aven kerde xanci maj aver ande o nevo sezono. Ame manglan katar e xurdelina, čhavdikhdavina, škole thaj koležura te sigurin ekh diapazono protektivne mere te žutisaren te ciknjaren e riskura.

Kire čhaveski xurdelin, čhavdikhdavin, škola aj koležo ka aven šajde te den tut maj but informacija vaš e pharuvimata (averimata) save von kerde.

Anžape

Žape ande xurdelin thaj čhavdikhdavina

Te kiro čhavo ka žal aj na ande xurdelin, čhavdikhdavin aj aver detharinale beršengo davno, kadava si kiri dečizija, ama ame kuražis tut te rezerviris kire čhaveske than ande kadala institucije. Žape ande institucije vaš čhavengo samadipe šaj žutisarel te kerdol pe ekh rutinava ando o čhavo žikana terne manuša barjaren peske socialne žanimata.

Tu šaj dikhes te kiro čhavo si šajdo te lel varesave bilovale čhavage samadimaske šajmata pe o uebsaito [Childcare Choices](#) Kadala keren bijanutnenge turjal 2,500 paudura ando berš ekhe 2-e beršeske čhaveske thaj ži ka 5,000 paudura kerel kadava bijanutnenge vaš čhavage kon si 3-e thaj 4-e beršenge.

Žape ande škola thaj koležo

Importa si kaj e čhave thaj e terne žene irin pe ande škola thaj koležo, ašal lengo školimasko progreso, ašal lenge sa-lačhimaske, thaj ašal lengo maj buxlo barjardi. Školako žape si obligime katar o astaripe vaš e neve akademikane beršesko. Kadava čhanil kaj si kiri legalno obligacija sar bijanutno te regularno bičhales kire čhave ande škola (te vov si ande obligime školake berša).

Naj korespondime legalno obligacija ašal post-16 školipe ama te ekh terno manuš ni phirel ande leste, lengo koležo šaj pakjal kaj von inkliste andar o kurso.

Thanutne (lokalne) šerutne thaj škole si len ekh diapazono vaš [legalne zora te forcirin e školako žape](#) te ekh čhavo aj terno ženo ni žal ande škola bi te avel le validno kauza.

Te e čhave aj e terne žene arakhen o phandipe ando kher but pharo, atoska lengi škola aj koležo šaj phenel lenge te irin pe ande škola ekhe cikne vrjamake. Kadava ka kerdol pe sade (numa) vov te si lače kire čhaveske, thaj si ando akordo tusa maj anglal. Kiro čhave ka avel žutime te iril pe ando saste vrjamako školako žape sogodi maj sigo šaj.

Te si tut same (dara) kire čhaveske školake irimaske aj koležoske soske tu pakjas kaj šaj aven aver riskoske faktorja, tu trubul te diskutiris kadala same kire školasa aj koležosa. Von trubul te aven šajde te phenen e čhana ande save von pharuven (keren aver) e bukja te ciknjaren e riskura. Si resursura te žutisaren tut kadale vakerimatonenca, andrethode kadava buletino vaš [školako iripe palal ekh bisimasko \(lipsako\) periodo](#).

Korkoro izoliripe thaj garavipe

Ekh cikno numero čhavengo thaj terne ženengo šaj te na žan ande škola andar o godidipe vaš publikano sastipe soske von:

- korko izolirin pe
- si len simptomura aj sikavde pozivo testosko rezultato
- si pašutne žene khajekhesa kas si les o koronavirus (COVID-19)

Te kiro čhavo našti žal ande škola aj koležo kadale kauzendar, puš kire škola aj koležo savo žutipe von šaj den ašal distantno školipe.

O godidipe vaš garavipe ašal bare žene thaj čhave sas leske kerdo pauza katar o 1-to augusto. Kadava čhanil kaj e čhave thaj e terne žene šaj irin pe ande škola aj koležo te von:

- si ando garavimasko lil
- si len žene ande familija kon garaven pe

Dikh e [informacijako buletino vaš manušengo garavipe thaj protekcija kaske si lenge phendo andar e medicina kaj von si but vulnarabilne](#) te keren so o akanutno godidipe phenel.

Čhave thaj terne žene ande sama (griza) ekhe specialistone sastimaske profesionalistoske šaj ka trubul te diskutirin lenge same peske sastimaske profesionalistosa majanglal te irin pe ande škola aj koležo. Kadava principno trubul te avel kerdo ande lengo avavno planirime klinikano časo.

Te e čhave naj šajde te žan ande škola soske von keren so o klinikano/publikano sastimasko godidipe phenel, tuke naj ka thon tuke te pokines love.

Vakancije

Sar si normalno, tu trubul te planiris kire vakancije kana si e školake thaj e koležoske vakancije. Dikh te na rodes mukhipe (permiso) te inkales kire čhaven avrjal e škola maškar e školaki vrjama.

Tho tuke ande godi kaj tu thaj kire čhave šaj ka trubul te korkoro izolirin tumen kana tume irin tume dromestar avrjal o them.

Te žutisares te keres e xurdelenen, čhavidikhdavinen, školen thaj koležonen sogodi maj garavde šaj

Sakoekh xurdelin, čhavidikhdavin, škola aj koležo ka kerel peski sastimaski thaj garavimaski riskoski evaluacija sar kotor katar lengo plano ašal angalivendesko sezono.

Sar kotor kadar kadava, si varesave metodura save ame manglam e xurdelina, e čhavdikhdavina, e škole thaj e koležura te keren thaj save si importa vaś o ciknjaripe e sastimaske riskonenge.

Akcije save e xurdelina, čhavdikhdavina, škole thaj koležura ka keren

Ame manglam katar e xurdelina, čhavdikhdavina, škole thaj koležura te:

- kontrolirin zorjarde kazusura vaś o koronaviruso (COVID-19) ande e škola, o koležo, ande e dori e akanutne publikane sastimaske informacijasa – kadava čhanil kaj katar kiro čhavo ka manglindol pe te korkoro izoliril pe 14-e givesenge ande peski xurdelin, čhavdikhdavin, škola thaj koležuro (bazirime po o godidipe katar lenge lokalne sastimaske protekcijake ekipura) te von sas ando pašutno, muj ando muj kontakto khajekhesa kasko testo sas pozitivno aśal o viruso.
- Sigurin kaj sakoe kh thovel peske vasta maj but drom kozom o normalno, i kana von resen, kana von irin pe katar pauze, thaj majanglal thaj palal o xape – kadava trubul te kerdol pe 20 sekundenge sapunesa thaj žanve panjesa aj vastenge gelosa
- promotirin o ,astar le, čhude le, mudar le’ metodo, te sigurin lači respiratorno xigiena
- barjaren o šužipe, andrethodo o majbutno šužipe vaś butvare astarde upralina

Xurdelina thaj čhavdikhdavina i von ka ciknjaren o kontakno maśkar manuśa kajte von śaj. Kadava śaj čhanil te trubusarel pe verver kamere (sobe) vevere berśenge grupenge thaj te inkjardindon pe kadala grupe dur ekh averestar.

Škole thaj koležura ka ciknjaren kontakto thaj ka kuražin e distancijako kuražipe sogodi śaj. Von ka len e dečizija vaś sar em lače te keren kadava soske vov ka avel verver sakone ekhe školake aj koležoske. Kadava ka tholandre te manglindol pe čhavendar thaj terne ženendar te:

- Beśen ande e phendine ulavde grupe (aj balonura)
- Inkjaren distancija maśkar individura

Ame žanas kaj maj cikne čhave śaj te na inkjaren socialno distancija maśkar peste. Baro si o śanso kaj maj cikne čhanvenge o fokuso ka avel pe ulavde grupe, thaj aśal maj bare čhavelenge, o fokuso ka avel po distanciripe.

Akcije save tu śaj keres

Na bičhal kire čhave ande xurdelin, čhavdikhdavin, škola aj koležo te:

- te von sikaven simptomura vaś [o koronavirus \(COVID-19\)](#)
- khajekh ande lengo kher sikavel simptomura

[Les testosko čhaso](#) te tu aj kiro čhavo sikaven e simptomura. Informiri kire xurdelina, čhavdikhdavina, škola aj koležo vaś e rezultatura.

Te o testo si pozitivno, ker so e [informacijako buletino vaś khera ande save śaj si aj čačes si koronavirus \(COVID-19\) infekcija](#), thaj angažirisar tut e NHS Test and Trace procesosa.

But si importa kaj tu žutisares xurdelinen, čhavdikhdavnen, školen thaj koležonen te keren kadala akcije kaj keren so o godidipe phenel savo si thodino kate thaj so o publikano sastimasko godidipe thaj informacijako buletino phenen.

Mujeske maske

Em o paluno dovodo thaj godidipe si kaj e čhave kon si 12-o beršenge thaj upral trubul te phiraven maska kajte e socialno distancija našti avel siguro kontrolirime thaj si buxlo phiravipe (transmisija) ande o rajono.

Maškaral e sasti nacija, principno ame ni rekomendiks e mujeske maske te aven trubusarde ande xurdelina, čhavdikhdavina, škole thaj koležura. Kadava si soske e metodura save e xurdelina, čhavdikhdavina, škole thaj koležura thon thaneste agorneste cikjnaren e sastimasko riskura.

Maškaral e sasti nacija, maškarune škole (aj škole ande save e čhave si ando 7-to klaso aj upral) thaj koležura ka avel len o šanso te mangel čhavendar, bukjarnendar thaj vizitorenar te phiraven mujeske maske ande thana avrjal e klasura (primerno ande e koridorura) kajte e socialno distancija našti kerdol pe, te von pakjan kaj kadava si o lačo vareso te kerdol pe ande lengi škola aj koležo.

Te tu san ando rajono vaš nacionalno intervencija, mujeske maske trubul te aven phiravde katar bare žene thaj čhave ande maškarune škole thaj koležura ande komunulane thana. Te kadava si o kazuso ande kiro rajono, kiri škola aj koležo ka informiril tut ašal e neve aranžimentura thaj o trubupe ašal mujeske maske.

Bazirime po akanutno dovodo, mujeske maske naj ka trubul te phiravdindon ande klasura. Kadava si soske o methodo savo e škole thaj e koležura thon thaneste ka okholneste ciknjarel o risiko ande e klasoski kamera (soba), thaj soske len šaj si len negativo efekto po sikipe thaj sikavipe.

Čhave ande xurdelina, čhavdikhdavina thaj bazisne škole naj ka trubul te phiraven mujeske maske. Ande e bazisne škole kajte e socialno distancija našti inkjardol pe ande e thana avrjal o klaso maškar bukjarne aj vizitorja, primerno ande e bukjarnenge kamere (sobe), e školake direktoren ka avel len o šanso te alosaren te von mangel te phenen e bukjarnenge thaj e vizitorenge te phiraven maske, aj den pesko akordo te phiraven maske ande kadala situacije.

Ande koležura, e studentura šaj i lendar te avel manglindo te phiraven e mujeske maske kajte:

- E sikavimaski turalin si maj paše sar, aj si, ekh bukjarnethaneski turalin (primerno, ekh restoranto savo šaj avel putardo e sa e manušenge)
- Kadava si obligacija ando bukjarne than aj ande andruni turalin thaj e studentura si potencialne te keren kontakto avere ženenca katar e publika

Čačes si importa kaj mujeske maske si phiravde korektno. Sa e škole thaj e koležura trubul te avel len proceso te sigurin kaj mujeske maske si phiravde, fuljarde, garavde thaj čhuddine korektno. Von trubul te informirin tut savo lengo proceso si.

Khajekh čhave šaj te aven liberime te phiraven mujeske maske. Kadala liberimata ka aven kerde ande škole thaj koležura, thaj sisavo mangipe te phiravdindon pe mujeske maske naj validno čhavenge thaj terne ženenge kon:

- Si len bišajpe (bangipe) savo čhanil kaj von našti phiraven mujeski maska
- Kaske o phiravipe vaš mujeske si but sresome
- Si khajekhesa kon dipendil te komunikiril pe vuštengo ginipe

Avipe thaj inklipe katar e xurdelin, e čhavdikhdavin, školja aj koležo

Khajekhe xurdelina, škole aj koležura šaj trubul te meškin aj lačharen e astarimaske thaj o agorimaske časura. Kadava žutisarel te inkjardon grupe ulavde ekh averestar kana von aven thaj inklen andar e anthana. Te e škole aj e koležura alosaren te keren kadava, vov ni trubul te ciknjarel e vrjama savi von traden ando sikavipe – ama kadava šaj čhanil kaj kire čhaveski astarimaski aj agorisarimaski vrjama ka avel aver.

Škole thaj koležura ka keren buki sisave školake transportosa thaj aver transportoske davnenca te koordinirin, sar len ka trubul len.

Kiri xurdelin, čhavdikhdavin, škola aj koležo ka aven tusa ando kontakto te phenen tuke sisave averimata save von ka keren. Kadava šaj i tholandre neve procesura ašal ingjaripe thaj lipe.

Publikane transportosko trubusaripe

Sakoekh trubul te kerel pesko kotor ando o ciknjaripe vaš o trubusaripe ašal publikano transporto. Te šaj, tu trubul te dikhes ašal alternativne transportoske opcije, em but te phires aj trades bicikla, specialno ande pikoske časura.

Kadava ka žutisarel te siguril pe kaj si okholno publikano transportosko kapaciteto te siguri pe kadalenge kas trubul len o transporto te žan dromeste ando garavipe (protekcija). Kadava ka žutisarel i kire familijako sastipe. Dikh e informacijako buletino katar:

- [Living Streets pe te phires ži ande škola](#)
- [Sustrans pe te aves garavdo žikana san pe e školako drom](#)

Te tu thaj kiro čhavo trubusaren butdrom publikano transporto te žan ka lengi xurdelin, čhavdikhdavin, škola aj koležo, o [maj siguro tradimasko informacijako buletino vaš pasažerja](#) ka avel inkjardo. Ande khajekh rajonura, lokalne šerutne šaj ka sigurin maj but školake transportoske servisura te žutisaren e čhaven thaj e terne ženenge te žan ande škola aj koležo.

Čhave thaj terne žene, thaj lenge bijanutne thaj samadavne trubul te na traden ži ka e xurdelin, čhavdikhdavin aj koležo te von aj ekh ženo lenge kherestar sikavda simpotumura katar o koronavirus (COVID-19).

Bilovalo kheral ži ande škola transporto ašal kvalificirime čhave

Lokalne šerutnengi obligacija te den bilovalo kheral ži ande škola transporto ašal kualificirime čhave si ekhsavi. Kadava si thodino andre e [informacijako buletino vaš drom thaj transporto kheral ži ande škola](#).

Kiro lokalno šerutnipe šaj ka mangel tutar te les personalno dromesko budžeto aj love po kilometro ando o than ekhe bišlinako ando o dindo transporto. Kadava šaj avel kadja te šaj von sigurin kaj si reslino dindo transportesko kapaciteto sakoekheske kas trubul le.

Ame ka mangas tutar te les kadaja oferta te tu šaj. Voj naj ka afektiril kire čhavesko kualificiripe ašal dindo transporto ando e avutni vrjama (futuro). O lokalno šerutnipe našti kerel tut te les te tu ni manges te aj našti les le.

Lokane šerutne ni trubul te ašugjaren tutar te les ekh personalno pokinipe aj love po kilometro ašal ekh konkretno vrjamako periodo, ama o lokalno šerutnipe ka trubul le kauzali noticija te iril palem o kheral ži ande škola transporto kire čhaveske.

Trubusaripe vaš dindo transporto aj koležosko transporto

Lokalne šerutnalendar, školendar thaj transportoske davnendar naj ka avel lendar manglo te uniformno keren so o socialno distancijako informativno buletino phenel ašal o publikano transporto, ande o dinde školako aj koležosko transporto. Kadava si soske:

- Dindo školako transporto but devrja tradel e ekhsavi grupa katar terne žene regularno.
- Čhave thaj terne žene ando o dindo školako transporto ni thon pe andre publikane ženenca

Lokalne šerutne, škole thaj transporto davne ka keren sa so si kauzalo praktikano te maksimirin o socialno distanciripe kajte šaj thaj te minimizirin e transmisijsko risiko. So si praktikano šaj ververil ando akordo e lokalne situacijasa. Kadava šaj thol andre:

- Te mangel katar kiro čhavo te trubusarel regularno bešlin ande kadava transporto
- Te siguril pe kaj o andredipe thaj o fulipe si ordinalo thaj/oj kontrolirime
- Te siguril pe kaj e vordonura si regularno thovdine
- Te siguril pe kaj transportoske kotroliorja maksimalizirin o andredipe vaš šužo airo

Importa si kaj tu keres so o sisavo dindo lokalno godidipe phenel thaj kaj kiro čhavo žanel thaj akhjarel e importa te kerel so e dinde regulacije phenen.

Phiravipe vaš mujeske maske kana dromžas ka thaj katar e škola thaj o koležo.

Butendar katar e čhave thaj terne žene katar e 11 berš thaj upral akana si manglo lendar te phiraven mujeske maske ando publikano transporto. Kadava ni kerdol pe katar e čhave thaj terne žene kon:

- Si len bangipe savo čhanil kaj von našti phiraven mujeski maska
- Akhjaren kaj te phiradindol pe mujeski maska si but stresome
- Žan drom khajekhesa kon dipendil pe vustesko ginipe te komunikiril

Ame godidas kaj e ĉhave thaj e terne žene katar 11 berŝ thaj upral i von te phiraven maske kana žan drom ando dindo transporto ži ka maŝkarutni ŝkola aj koležo, bi kadalengo kon ni trubul te phiraven len.

Te kiro ĉhavo trubul te ulavel vordon ži ande ŝkola ekhe averesa avrjal katar lengo žutimasko balono aj khere, von trubul:

- Ulaven o vordon e ekhsave ženesa sako drom
- Putren o žamo aŝal ventilacijakie
- Te von si upral e 11 berŝ, te phiraven mujeske maske

But si importa kaj e mujeske maske si phiravde korektno. Sa e ŝkole thaj e koležura trubul te avel len ekh proceso te sigurin kaj e mujeske maske si phiravde, fuljarde, garavde thaj ĉhuddine korektno. Von trubul te informirin tut savo lengo proceso si.

Kurikulum (ŝkolako plano)

Ame phendam so ame aŝugjaras e ŝkole te sikaven kana e ĉhave irin pe palpale ando anglalivend. Ŝkole ka den ambiciozno thaj buxlo ŝkolako plano ande sa e subektura.

Ŝaj ka kerdon pe pharuvimata (averimata) ka varesave subektura, primerno ka fizikano ŝkolipe thaj muzika, te ŝaj e ŝkole sikaven kadala subektura sogodi maj siguro ŝaj.

Ame aŝugjaras koležura te inrin pe ka pherde, uĉhe kualitetoske ŝkolimaske programe ando nevo akademikano berŝ.

Ŝkole thaj koležura ka keren i von planura te den distancionno ŝkolipe te trubul. Kadava ĉhanil kaj te kiro ĉhavo trubul te beŝel khere, andar o garavipe aj e korkorutni izolacija, lengi ŝkola aj koležo ka žutisarel len te lungjaren pesko sikavipe.

Ame agorneste kerdam anonso vaŝ ekh reslimasko paketo savo kerel 1 miljardo te siguril pe kaj e ŝkolen si len resursura save trubul len te žutisaren e ĉhaven te kompensirin aŝal e xasardi sikavimaski vrjama, maj bute žutimasa kadalenge kaske trubul len em but.

Evaluacije thaj testura

Evaluacije ande bazisne aj terne ženenge ŝkole

Ĉhave thaj terne žene naŝalde ekh kritikano periodo katar pesko ŝkolipe andar kadava kaj e ŝkole sas phande maj bute ĉhavage te ŝaj kontrolin o phiravipe vaŝ o koronavirus (COVID-19). Importa si kaj ame maj laĉhe akhjaras o efekto vaŝ o koronavirus (COVID-19) pe e ĉhavengo ŝkolipe thaj te das žutipe e ŝkolen savo len em but trubul len. Te žutisaras kadava, ame planiris te palpale iris o profilo vaŝ e detharinale berŝengo bazisno nivelu (DBBN) thaj sa e aktivne obligime evaluacije ando 2020-to berŝ ži ka 2021-to akademikano berŝ, thaj palal gadava palpale iris lengi principno ŝkolaki programa..

GCSE's thaj A nivelura

Nisavo testo ni sas kerdo ando milaj vaś o 2020 berś andar e epidemija vaś o koronavirus (COVID-19). Te śaj das śanso e čhaven te len kualifikacije, ame phendam kaj e čhvenge kon trubulas te keren o testo vaś o A nivelo, AS nivelo aj GCSE testura kadava milaj ka del pe lenge ekh kidindo (sumarno) marko.

Sar e markura si kidinde

Sakone ekhe čhaveske, škole thaj koležura dine ekh turjalno marko sakone ekhe subektoske. Kadava si o marko savo lengi škola aj koležo pakjal kaj len em but śaj ka avelas len te von kerde e testura. Von ka godisarenas ekh diapazono dovodonendar andrethodo, primerno, bitestoski evaluacija thaj primerni rezultatura.

O marko sas planirime te avel thodino ande ekh standartizacijako proceso, kaj ka trubusarelas pe ekh modelo kerdo katar o Ofqual, te reslindol pe ži ka o agorno gindo marko.

Lujne 17-to augusto, e Štatosko Sekretaro zoraleste phenda kaj manaj ka kerdol pe e standartizacijako proceso aśal AS/A nivelura thaj GCSE-ura. Ande lesko than, sa e čhave ka aven dinde o turjalno marko bičhaldo katar lengi škola aj koležo. Te o turjalno marko si maj cikno katar lengo gindo marko, o gindo marko ka lel pe godjate.

Sade te na arakhadol dovodo kaj sas kerdi doś ando proceso, kadala markura ka aven agorne (finalne).

E čhave ka aven śajde te trubusaren e markura save von line ando milaj te žan karing o aver nivelo. Kadalen markonen ka avel len e ekhsavi importa sar e markura andar e palune berśa.

Ekstra testura ando o anglalivend vaś o 2020 berś

Ame akhjaras kaj khajekh čhave śaj si bilośale katar pesko milajesko marko aj len śaj trubul len maj lačho rezultato te žan karing o aver nivelo peske školimasko. Ka avel i ekh cikni grupa čhavendar kaske ni sas reslino dovodo te del pe lenge marko ando milaj. Importa si kaj kadala čhave śaj keren testura ando anglalivend vaś o 2020 berś.

Te žutisarel pe kadale čhaven, ame ka keras ekstra testoske serije. Testuta vaś AS thaj A nivelo ka kerdon pe ando oktobro thaj GCSE testura ando novembro.

Agorne date te astardindon pe e testura ando anglalivend vaś o 2020 berś

Čhave kon mangel te keren e anglalivendale testura trubul te keren kadava andar e škola aj o koležo kajte von trubulas te keren e testura o milaj. E agorne date te kerdon pe testura si:

- 4-to semtembro aśal A thaj AS nivelura
- 18-to semtembro aśal GCSE (bi anglikanes thaj matematika, kaske e agorni data si 4-to oktobro)

Ofsted inspekcije

Ande e anglalivendesko sezono, Ofsted inspektorja ka keren vizita ka konkretne xurdelina, čhavdikhdavina thaj koležura te diskutirin sar von žutisaren čhaven thaj terne ženem te irin pe palpale ande škola. Kadala vizite naj ka den markura.

Planirime si kaj e rutinale Ofstedeske inspekcije ka kerdon pe palem katar o januaro 2021. E konkretne vrjama si inke ande revizija.

Školake andredimata

Andredimasko apelo

Te tu bičaldan školako formularo thaj vov ni da kire čhave than ande škola, tut si tut o čačipe te keres apelo mamujal kadaja dečizija.

[Školake dimasko apelo](#) akana šaj kerdon pe po telefono, video konferencija aj ande ramome forma, ando o than ašal e muj mujeske kidimata.

Andredimaske testura ašal alosarde (selektivne) škole sar e gimnazije

Te tu bičhales školako formularo te les than kire čhaveske ande alosardi (selektivno) škola⁴, šaj aven varesave averimata ande kadava sar e dimaske testura si kerde kadava berš.

Dipendil kadalendar kon si responsabilne ašal alosarde testura (e škola aj o lokalno šerutnipe) te den e dečizija kana te keren e testura. Ame dam len godi te godisaren pe kadava te keren e testura ži ando agor e oktobresko aj ando astaripe e novembresko. Kadava čhanil kaj si cikno šanso tuke te les e rezultatura majanglal tutar si manglo te phenes kire školenge preferencije (31-to oktobro).

Ando o kazuso kaj o čhavo ni malavel o manglo standarto vaš e andredimasko testo, tu trubul te trubusares kiri agorni (finalno) preferencija (je) ašal lokalno bialosardi škola, kajte tu pakjas kaj si tut lačo šanso te les školako than.

Te tu les e dečizija te alosares sade (numa) gimnazije, ama kiro čhavo ni maladol e mangle standartosa vaš o andredimasko testo, kiro čhavo ka avel thandindo ande ekh bialosardi škola. Kadava naj ka avel ekh katar kire alosarde škole.

Ker kontakto kire andredimaske šerutnenca te kiro čhavo našti žal ka e planirime testoski data (te) soske vov:

- Sikavel simptomura vaš o koronavirus (COVID-19)

⁴ Alosarde škole thonandre gimnazije (save alosaren sa e čhaven pe e baza vaš lengo učo akademikano šajpe), kotalreste alosarde aj ‘dujrigale’ škole save alosaren ekh proporcija katar peske linde žene andar o šajpe, žanipe, škole save ‘kiden’, anavneste von keren testo sa e čhavage ašal šajpe ama len čhaven katar sa e šajmata (ekhsave numerave vaš uče thaj xarne šajmaske čhave) thaj škole save len 10% katar peske linde žene pe e baža vaš o žanipe vaš performacija aj vizualne artura, sporto, moderne averthemutne čhiba, dizaino thaj tehnologija aj IT.

- Korkoro izoliril pe

E škola aj o lokalno šerutnipe ka kerel alternativne aranžimentura te evaluiril kire čhave vaš šajpe aj žanipe.

Inkjaripe

Xurdelina, čhavdikhdavina, škole thaj koležura šaj keren maj neve peske inkjarimaske politike te reflektirin sisave neve regulacije aj metodura save von keren. Von ka phenen tuke save kadala averimata si.

Školaki uniforma

Škole len e dečizija vaš peski uniformaki politika.

Ame kuražis sa e školen te irin pe ka peske normalne uniformenge politike ande e anglalivendesko sezono.

Andrar o koronavirus (COVID-19), tu ni trubul te thoves e uniforme avere čhanende aj maj but drom katar o normalno

Školako xape

Školake thaj koležoske kiravina (kuxnje) trubul te aven sasteste putarde katar o astaripe e anglalivendesko sezono.

Von ka den xape sa e čhaven kon mangel le, andrethode bilovale školake xamata thaj universalne bebetonenge školake xamata sar si peske normalno kadalenge kon si alosarde te len.

Onlain bidaravipe

Maj but katar e manuša, andrethode čhave, traden maj but vrjama onlain, te kadava si ande e klasura aj khere.

Dikh o žutisaripe ašal [e informacijako buletino vaš bijanutne thaj samadavne te inkjaren čhaven thaj terne ženon bidaravne katar onlain dukh](#). Vov del informacija vaš resursura te žutisarel čhaven thaj terne ženon te aven garavde katar verver riskura onlain thaj kajte von te žan te len žutipe thaj godidipe. [Žutipe te bešes garavdo onlain](#) thol andre informacija vaš siguripe thaj privatne opcije.

Mentalno sastipe thaj salačhipe

Xurdelina, čhavdikhdavina, škole thaj koležura ka akhjaren kaj khajekh čhave thaj terne žene šaj khajma nakhen andar serimata sar xolixape, stresu aj xarno serkeripe sar ekh rezultato katar e epidemija vaš o koronavirus (COVID-19)

Si onlain resursura thaneste te žutisaren tut thaj kire čhave mentalnone sastimasa, andrethode:

- [MindEd](#), ekh bilovalo školimasko resurso katar Health Education England vaš čhavengo thaj terne manušengo mentalno sastipe.
- [Rise Above](#), savi resdel pe te vazdel anteržope thaj žutipe ašal lačo mentalno sastipe ande terne žene katar 10 ži ka 16 berš.
- [Every Mind Matters](#), savo tholandre ekh onlain instrumento thaj imeil žurnalo te žutisarel sakone ekhe te serel pe maj anpakjalo ando kadava te keren e akcija te len sama pe pesko mentalno sastipe thaj salačipe.
- [Bereavement UK](#) thaj o [Childhood Bereavement Network](#), del informacija thaj resursura te žutisarel čhaven, školen thaj bukjarnen kon roven peske mule manušenge.

E organizija Barnardo's See, Hear, Respond service, del žutipe čhavage, terne ženenge thaj lenge familijenge kon ando momento ni dikhen pe socialnone bukjarnesa aj avere agencijasa, thaj kon našti kontrolirin o emocionalno efekto katar o koronavirus (COVID-19). Tu šaj des andre via o ['uebsaito See, Hear, Respond' serviso vaš korkorutno inkjalnipe](#) aj bilovalo telefono 0800 151 7015.

Importa si važe (inke) te reportis sisave garavimaske same save tut si tut sisave čhaveske. Ker kontakto e [NSPCC helpline](#).

Planura vaš školipe, sastipe thaj samadipe (ŠSS)

Ande e pandemija, amen trubulas te keras maj fleksibilne khajekh katar e phendine provizije vaš specialno školipe thaj sastipe ande e ŠSS planura.

O fleksibilipe akana resada, kadava čhanil kaj te kire čhave si le ekh ŠSS plano vov principno trubul te lel žutipe savo le trubul le kana vov iril pe palpale ande škola.

Školake thaj koležoske dromžamata

Katar e anglalivendesko sezono, škole thaj koležura šaj astaren palem te keren školimaske givesutne dromžamata ando o Kidindo Thagaripe (UK). Von trubul te keren em o paluno publikano sastimasko informacijako buletino thaj o maj buxlo informacijako buletino ašal škole thaj koležura vaš e akcije save von šaj keren te ciknjaren e riskura.

Ame akana godidas mamujal rakinale dromžamata ando o Kidindo Thagaripe (UK) thaj avrjal o them školimaske vizite.

Ekstra kurikularne aktivitetura

Škole šaj len te den detharinako xape thaj te keren palal školake aktivitetura ande e anglalivendesko sezono. Škole ka trubul te sigurin kaj kadala šaj kerdon pe ando akordo e buxle informacijake buletinoso vaš protektivne mere. Kadava čhanil kaj von šaj ka trubul te keren bukja avere čhanende.

Vaker kire čhaveske školasa te dikhes te von den detharinalo xape thaj keren palal školake aktivitetura.

Avrjal školake opcije, sar vakancija aj palal školake klubura, šaj putren čhvenge thaj terne ženenge katar sa e berša. Inke importa ačhel kaj von sigurin protektivne mere te žutisaren te ciknjavol e phiravimasko risiko.

Te minimiziril pe o risiko, godisar:

- Te bičhales kire čhave konstantno ande e eksavi turjalin
- Te ciknjares o numero vaš e verver turalina ande save tu des andre

Puš katar e organizacija savi kerel o akviteto so von keren aver te ciknjaren sisave riskura.

Thaneste si thodino ekh godidipe vaš bjanutne vaš o [trubusaripe vaš avrjal školake klubura thaj aktivitetura](#).

Lokalne epidemije

Xurdelina, čhavdikhdavina, škole thaj koležura ka kontaktirin peske ekipo vaš lokalno sastimaski protekcija te:

- Len si len 2 aj maj but zoraleste arakhade kazusura vaš o koronavirus (COVID-19) maškar čhave thaj bukjarne ande 14 givesa
- Von dikhen kaj si učho numero vaš čhavengo thaj bukjarne bisipe (lipsa) andar suspektive aj zoraleste arakhade kazusura vaš o koronavirus (COVID-19)

O ekipo vaš lokalno sastipe ka godidel savi akcija trubul te kerdol pe. Principno, totalno školako phandipe naj ka trubul te kerdol pe, ama khajekh grupe šaj ka trubul te korkoro izolirin pe.

Te epidemija ande e škola aj o koležo si zoraleste arakhadi, ekh mobilno testosko khuhkhin ka avel bičhaldi. Von ka testuin savoren kon šaj avenas ando kontakto e manušesa kasko testo sikavda pe pozitivno. O testo ekhto ka fokusiril pe e manušesko klaso, napal pe lengi grupa, atoska pe sasti škola aj koležo, te trubul.

Te kiro lokalno rajono dikhel učhipe ande e infekcijako procento savo ka rezultiril ando phiravipe ande lokalno komuna, e themesko šerutnipe (guverno) ka lel e dečizija save akcije ka trubul te kerdon pe. Ande lokalne thana kajte e barthovimata (limitacije) si kerde ašal aver sektorja, ame pakjas kaj o školipe thaj o čhavengo samadipe principno ka aven sasteste putarde savorenge.

Kire čhaveski škola aj koležo trubul te del distancionno školipe te:

- Čhvenge grupe trubul te korko izolirin pe
- Trubul te kerdol pe maj cikno e školako aj koležosko žape